

Kommunalbestyrelsi 31. marts 2021 nal. 10:00

Kommune Qeqertalik Kommunalbestyrelsi
03-2021

Hansen, Ane	IA
Olsen, Peter	IA, Peqataanngilaq
Broberg, Bia A.	IA
Nathanielsen, Karl Thue	IA
Aronsen, Hans	IA
Petersen, Thomas	IA
Kristensen, Niels	IA
Jeremiassen, Kristian	IA
Jeremiassen, Nikkulaat	S
Sandgreen, Enok	S, Sinniisoq Themothæus Inûsugtok peqataavoq
Mølgaard, Timooq	S
Jeremiassen, Otto	S
Frederiksen, Ole I.	S
Broberg, Kristian	S
Kristensen, Naja	A

Ataatsimiinnermi aqutsisoq:

Ane Hansen, IA

Allatsi:

Inuaraq Gedionsen Steenholdt

Ataatsimiinneq:

Skypekut

ULLORMUT OQALUUSERISASSAT

21-010 Attu illu B-319.....	3
21-011 Illuliortiternernut aningaasalersuineq pillugu atsiorsinnaanermut pisinnaatitsissummik qinnuteqaat	4
21-012 Eriagisassamik atorunnaarsitsineq	6
21-013 Kommunalbestyrelsi ataatsimiititaliallu aprilimi ataatsimiittarnissaat	9
21-014 Kommune Qeqertalimmi atuakkanik atorniartarfii nutaamik IT programmamik isumaqatigiissusiorpoq.....	10
ILISIMATITSISSUTIT	12
Nipisanniarneq aprilip aallaqqaataani 2021-mi aallartissaaq.....	12
ATAATSIMIINNEQ NAAVOQ:	14
ATSIORFISSAQ:	14

Oqaluuserisag	Oqaluuserisassat akuerineqarnerat
----------------------	--

AALAJANGERNEQ:

Akuerineqarput. Peter Olsen peqataanngilaq.

Suliap nr.	21-010	Ilanngussap normua	10	Journal nr.	
Eqqartugaq	21-010 Attu illu B-319				

UTEQQIINEQ:

Illu B-319 atussallugu noqqaassut tiguneqarpoq. INOQARFIUP suliamik ilisimasalik illu taanna qanoq naleqarnerisq misissortippaa.

SULIAP SAQQUMMIUNNEQARNERA:

Kommune Qeqertalik pilersinneqanngitsoq suli peqatigiiffiup ataatsip illu B-319 pisiarissallugu kissaateqarpoq. Illu taamanimiilli suli atorneqanngilaq.

Illup nalinganik misissuinerup takutippaa illup ilarujussuaq oqummik eqqugaaqqasoq. B-319 ima ajortigaaq imminut illersorneqarsinnaanani aamma siunissami atorneqarsinnaanani.

INATSISITIGUT TUNNGAVIUSUT:

- Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq
- Illuliortiternermi oqartussaassuseq pillugu Namminersornerullutik Oqartussat nalunaarutaat nr. 13, 18. august 2006-imeersoq

KINGUNISSAI:

Illu aserfallassimasoq ingutserneqassasoq.

ANINGAASATIGUT KINGUNISSAI:

Nutarterneqarsinnaanngimmat aamma illu piffissami aggersumi ingutserneqartussaammat saliisoqassaaq.

SULIAP SULIARINEQARFIA

Kommunalbestyrelsi

INASSUTEQAAT:

Allattoqarfiup ataatsimiititaliaq INOQARFIK ima inassuteqarfigaa

Illu B-319 peqatigiiffimmut tunniunneqassanngitsoq inassutaavoq.

Illu B-319 ingutserneqassasoq ingutserneqareerpallu saliisoqassasoq inassutaavoq.

ILANNGUSSAT:

Ilanngussaq 10-01 Illup nalilersornera B-319

Ataatsimiititaliaq INOQARFIK ulloq 9. Marts 2021 ataatsimiinnerminni aalajangernerat:

Akuerineqarpoq

AALAJANGERNEQ:

Ataatsimiititaliaq INUA ulloq 23. Marts 2021 ataatsimiinnerminni aalajangernerat:

Akuerineqarpoq

AALAJANGERNEQ:

Akuerineqarpoq

Suliap nr.	21-011	Ilanngussap normua	11	Journal nr.	
Eqqartugaq	21-011 Illuliortiternernut aningaasalersuineq pillugu atsiorsinnaanermut pisinnaatitsissummik qinnuteqaat				

EQIKKAANEQ:

Illuliortiternernut aningaasalersuineq pillugu, qinnuteqaatigineqartartut, neriorsuummik akuersissummik tunineqartarneq kommunalbestyrelse sinnerlugu pisortaanermit atsiorneqartarpoq. Kommune Qeqertalimmi qinnuteqaatit sullissivinni tinguneqartut, INUA-ni Inoqarfimmi piumasaqaatit tamakkersimaneraat qulakkeerneqartarpoq. Qinnuteqaammullu neriorsuummik pisortaanermit atsiugassaq ajunngitsumik suliarineqarnerisooq aamma qulakkeerneqartarpoq. Inoqarfimmi ataqatigiissarisut tamakkuninnga suliaqartut neriorsuummut akuersissummumut atsiorsinnaanermut pisinnaatitsissummik kommunalbestyrelsimut qinnuteqarpoq.

SULIAP SULIARINEQARNERA:

Illuliortiternernut aningaasalersuineq pillugu suliat tamarmik INUA Inoqarfimmit qulakkeerneqartarput ajunngitsumik suliarineqarnerisut. Ukiut tamaasa Kommune Qeqertalik Namminersornerlutik oqartussat aningaasaliissutinik pissarsisarpoq ukioq mannalu 2021-imi aningaasat kr. 3.998.000 amerlassuseqarput. Qinnuteqaatit siulliuniunnermi tullerriaarneq malillugit suliarineqartarput.

Allaffissornikkut qinnuteqaatinik suliaqarneq aammalu qulakkeerrinninneq INUA Inoqarfiup ataani suliarineqartarmat, namminersorlutik oqartussat aningaasaliissutaasa sinaakkutip iluani aningaasanik akuersissutinik atsiorsinnaaneq INUA Inoqarfimmit pisinnaatitsissummik qinnuteqarpoq.

Ajunngitsumik qinnuteqaat suliarineqarsimaneranut qulakkeerrinninnermut akissusaaffik INUA Inoqarfimmeereermat, pissusissamisoorpoq atsiorsinnaanermut piginnaatitsissummik tunineqarpat.

INATSIT TUNNGAVIUSQ:

- Illuliortiternernut aningaasalersuineq pillugu inatsisartut nr. 39, 23 november 2017-imeersoq
- Inissianik aningaasalersuisarneq pillugu inatsisartut inatsisaata allanngortinneqarnera pillugu inatsisartut inatsisaat nr. 36, 28. November 2019-imeersoq (Inissialiortiternernut tapiissutitalimmik illulianik iluarsaassinnermut, pitsanngorsaaneermut alliliinermullu taarsigassarsititsisarneq tapiissuteqartarnerlu)
- Piginneqatigiilluni inissiat pillugit Inatsisartut inatsisaat nr. 3, 23. November 2017-imeersoq.
- Kommunit aqunneqarnerat pillugu Inatsisartut inatsisaat nr. 29, 17. November 2017-imeersoq

KINGUNISSAI:

Piffissaq akuersissutinik suliaqarnermi pisortaanermit atorneqartartoq piujunnaassaaq, taamaasilluni suliaasanut pingaarutilinnut allanut piffissaqarnerulissaaq.

ANINGAASATIGUT KINGUNISSAI:

Soqanngilaq

SULIAP SULIARINEQARFIA:

Kommunalbestyrelsi

INASSUTEQAAT:

Allattoqarfiup Ataatsimiitsitaliaq Inoqarfik siunnersorpaa:

Illuliortiternernut aningaasalersuineq pillugu, akuersissutinik atsiorsinnaanermut INUA Inoqarfik

aningaasat sinaakkutit iluanni pisinnaatitsissummik ataatsimiitsitaliaq Inoqarfik akuersissasoq. Akuerineqareerpallu Ataatsimiitsitaliaq INUA-nut aalajangiiffigisassanngorlugu ingerlateqqissagaa. Taassumalu kingorna Kommunalbestyrelsimut akuerisassanngorlugu ingerlateqqinneqassasoq siunnersorpaa.

ILANNGUSSAT:

- Ilanngussaq 11-01 Kommunalbestyrelsip oqaluuserinikuusaa suliaq nr. 18-015
- Ilanngussaq 11-02 Kommunalbestyrelsip oqaluuserinikuusaa suliaq nr. 20-004

Ataatsimiititaliaq INOQARFIK ulloq 9. Marts 2021 ataatsimiinnerminni aalajangererat:

Akuerineqarpoq

AALAJANGERNEQ:

Ataatsimiititaliaq INUA ulloq 23. Marts 2021 ataatsimiinnerminni aalajangererat:

Akuerineqarpoq

AALAJANGERNEQ:

Akuerineqarpoq

Suliap normua:	21-012	Ilanngussap normua	12	Journal nr.	
Eqqartugaq	21-012 Eriagisassamik atorunnaarsitsineq				

UTEQQIINEQ:

Kommune Qeqertalik Qasigiannguani nunaminertaq angingaatsiarteq eriagisassatut atuuttoq eriagisassaajunnaartinneqarsinnaanersoq apeqquteqaammik tigusaqarpoq. Nunaminertaq immikkoortut ukua iluanniippoq 1100-A01, -A02, -A10, -C01 aamma -C02. Nalunaaruteqartoq ima isumaqarpoq: illoqarfiup ineriartortinnissaanut eriagisassanngortitsineq akornutaasoq, taamaattumik eriagisassanngortitsineq illut oqaluttuarisaanermut immikkut ittumik pingaaruteqartut aalajangersimaqqissaartut kisimik eriagisassanngortillugit allanngortittariaqartoq.

Saaffiginninnermut peqqutaasoq unaavoq; nalunaaruteqartup immikkoortortamiittumi illumi piginnittutut alliliiniarnerminik ajornartorsiuteqartarpoq.

Nalunaaruteqartut isumaqarput illut oqaluttuarisaanermut pingaarutillit, soorlu katersugaasivik, taamaallaat matumani eqqarsaatigineqartartut. Inissiatut atukkat eqqarsaatigineqarneq ajortut.

SULIAP SAQQUMMIUNNEQARNERA:

Immikkoortortat 1100-A01, -A02, -A10, -C01 aamma -C02 tamarmik eriagisassatut toqqarneqarnikuupput, kommunimut pilersaarut takuuk. Immikkoortortat ima nalunaaqutsersugaapput; kommunip nunaminertat sorliit aamma qanoq sakkortutigisumik eriagineqassanersut isummersorfigisassallugu akisussaafigigaa, tamannalu illup sanaartukkap immikkuullarissutaata annaaneqannginnissaanik toqqammaveqarluni. Immikkoortortat tamarmik Illoqarfimmi Sungaartumik Nalunaarsukkanut 1990-meersumi allaqqapput, tassani nunaminertat assigiinngitsumik immikkuullarissuuneri allaaserineqarput aamma Illoqarfimmi Sungaartumik Nalunaarsukkat ilaatigut tunuliaqutaralugit kommunip taamanikkut aalajangersimavaa immikkoortortat taakkua eriagineqassasut.

Immikkoortoq eriagisassatut toqqarneqartoq nutaamik ineriartornissaminut periarfissai killeqartarput, tassami illup inissisimaffia qanorlu angitiginera pillugu piumasaqaatit arlallit piumasaqaatigineqartarput. Immikkoortut eqqugaasut ilaat tassaapput inissiaqarfiit annerumaartut, ukua: A1 aamma A10, taakkua marluk 1960-ikkunni aamma 1970-ikkunni illulioriaatsit aalajangersimasut atorlugit sanaajupput. Illut taakkua silataasa isikkui allanngorneqarnissaminut periarfissaqarsimanngillat, tassami immikkoortortani illut sananeqaataasa aamma oqaluttuarisaanermut pingaarutaasa piumasaqaatitai unioqqutinneqartussaassagamik allannguinnermi.

Illoqarfiup ineriartortinneqarnissaanik killeq taanna saaffiginnissutsip tunuliaqutaraa, taannalu kommunimit tiguneqarpoq. Nalunaaruteqartup eriagisassatut killinga atorunnaarsinneqassasoq qinnuteqaatigaa, paarlattuanilli illut oqaluttuarisaanermut pingaarutillit arlallit aalajangersimaqqissaartut eriagisaaginnarnissaat siunnersuutigalugu.

Eriagisassatut killiliussap atorunnaarsinneqarnissaanik aalajangernissap suliarineqarnissaani periuseq aallartinniarlugu Qasigiannguani suut siunissami kissaatigineqarnersut oqimaqaatigiinneqartariaqassapput, tassami illoqarfiup isikkua taassuma sunnertussaassammagu. Eriagisaajunnaarsitsinerup kingunerisaanik innuttaasut illunik piusunik allanngortiterinissaminut aamma alliliinissaminut kiffaanngissuseqarnerulissapput. Taamaattorli eriagisaajunnaartitsineq

oqaluttuarisaanermut aamma illup sannaanik tamarmiusumik allannguinerimik kinguneqarpat annaasaqartoqarsinnaavoq. Pitsaanngitsumik sunnertinnerit ilagisinnaasaat tassaavoq Ilulissani mittarfittaap naammassinerata kingorna takornarissanik amerlanernik tikittoqartalerna.

Kommunalbestyrelsip immikkoortut eriagisatut inissisimanerimik atortuujunnaarsitsinissaq anguniarlugu sulineq aallartinneqassasoq kissaatigissappagu, suleriuttip suut ilisarnaatigissanerai toqqartuissalluni pissusissamisoortutut isikkoqassaaq. Allanguutit siulliit piviusut ukiup ataatsip (1) sivikinnerpaamik qaangiunnerani pisinnaalissasut eqqoriaasoqarpoq. Tassunga ilanngullugu pingaartuuvooq Kommunalbestyrelsi kisimi uani aalajangiisussaassanngimmat, tassami suleriuseq ataani allattorneqartoq naapertorlugu oqartussaasut suliamut uunga attuumassuteqartut aqqusaarneqartussaassapput, taakkuami akerliullutik nalunaarnissaminut pisussaaffeqarput taamaalillutillu eriagisassaaajunnaarsitsineq allanguivigissallugu periarfissaqarlutik.

Suleriaaseq

1. Najukkami tusarniaanissamut siunnersuusiorneq, tassani immikkoortortat pillugit paasissutissat eriagisassaaajunnaarsitsinermi iluaqutit/ ajoqutit allaaserineqassapput.
2. Tusarniaanermi atortut oqartussamit attuumassuteqartumi akuerineqassapput, taannalu tassaavoq Aningaasaqarnermut Naalakkersuisoqarfiup Nunamut tamarmut pilersaarusiortarfia.
3. Oqartussamit attuumassuteqartumit akuersisoqareerpat kommunip najukkami tusarniut tamanut nassiutissavaa.
4. Najukkami tusarniaanermi akissutit kommunip tigusani tamaasa Nunamut tamarmut pilersaarusiortarfimmut nassiutissavai aamma eriagisassap killingata atorunnaarsinneqarnissaanik tunngavilersugaq uppersaasat nassiutissallugu.
5. Nunamut tamarmut pilersaarusiortarfiup atortut attaveqaatillu tamaasa misissussavai, pisariaqassappallu, Kalaallit Nunaata katersugaasivia allagaateqarfialu attaveqarfigissavaa eriagisatut killeqarfik atorunnaarsinneqassanersoq imaluunniit taamaaginnassanersoq naliliisillugu.
6. Eriagisatut killeq atorunnaarsinneqassappat Illoqarfinni Sungaartumik Nalunaarsukkani allassimasut nutarterneqassapput aamma kommuni nutaamik kommunimut pilersaarummik suliaqarluni aallartissaaq, tamanna tunngaviumik suleriaasiummat.

Allaffissornermik suliallit ilinniagaq aallaavigalugu nalilerpaat, immikkoortortat eriagisassaaajunnaarsinneqarnerimik sulineq ajornakusussasoq aamma kommunalbestyrelsip sulineq aallartikkusussappagu, allakkiap suut imareqqissaassanerai aamma eriagisassaaajunnaarsitsinissap sumik peqquteqarnissaanik tunngavilersuinissat aallartinneqartariaqassapput.

INATSISITIGUT TUNNGAVIUSUT:

- Kommunini pilersaarusiornermi eriagisassatut eqqarsaatigineqartussat isumagineqartarnerat pillugu Namminersornerullutik Oqartussat nalunaarutaat nr. 31, 30. oktober 1991-imeersoq.
- Pilersaarusiorneq aamma nunaminertat atornerqartarnerat pillugit Inatsisartut inatsissaat nr. 17, 17. november 2010-imeersoq

KINGUNISSAI:

- Illut piusut allanngortinnissaannik allilerneqarnissaannillu kiffaanngissuseqarnerulerneq.
- Oqaluttuarisaanermik aamma illut ilisarnaataanik annaasaqarneq taakkualu malitsigisaanik takornarissat amerlinerisa kingorna pitsaanngitsumik sunniuteqarneq.
- Allaffissornermik sulineq sivisooq aallartissaaq

ANINGAASATIGUT KINGUNISSAI:

Aningaasaqarnikkut kinguneqartussaangilaq.

SULIAP SULIARINEQARFIA

Kommunalbestyrelsi

INASSUTEQAAT:

Allattoqarfiup ataatsimiititaliaq INOQARFIK ima inassuteqarfigaa

Kingunissani allaaserisat aallaavigalugit itinerusumik tunngavilersuiniarluni tusarniaanermi atortussanik suliaqarneq aamma suliap ataatsimiititaliamut INUA-nut ingerlateqqinneqassasoq inassuteqaataapput.

ILANNGUSSAT:

Ilanngussaq 12-01 Saaffiginnissut

Ilanngussaq 12-02 Illoqarfinni Sungaartumik Nalunaarsukkat

Ilanngussaq 12-03 Illoqarfiup ilaanut pilersaarut A10

Ataatsimiititaliaq INOQARFIK ulloq 9. Marts 2021 ataatsimiinnerminni aalajangererat:

Akuerineqarpoq

AALAJANGERNEQ:

Ataatsimiititaliaq INUA ulloq 23. Marts 2021 ataatsimiinnerminni aalajangererat:

Akuerineqarpoq

AALAJANGERNEQ:

Akuerineqarpoq

Suliap nr.	21-013	Ilanng. nr.	13	Journal nr.	
Oqaluuserisassaq	21-013 Kommunalbestyrelsi ataatsimiititaliallu aprilimi ataatsimiittarnissaat				

EQIKKAANEQ:

Kommunalbestyrelsi ukiuni qinersiviusuni naggataamik ukiumut nalunaarusiaq, 2020-imut naatsorsuutit naggataarutaasumik aaliangiiffigisussaavaat.

Tassungalu tunngatillugu Ataatsimiititaliaq INUA aammalu Kommunalbestyrelsi aprilimi ataatsimiitinneqarnissaat innersuussutigivarput.

SULIAP SULERINEQARNERA:

Ataatsimiititaliaq INUA naattorsuutit isummerfigeqqaartussaavai kommunalbestyrelsimullu saqqummiullugit.

Ataatsimiititaliaq INUA-miit aamma kommunalbestyrelsimut ingerlatitseqqittussaammat

Ataatsimiititaliat INUIT, INOQARFIK aammalu TIMI TARNILU ullormut oqaluuserisassaqarmata ilanngunneqarput.

ANINGAASATIGUT KINGUNISSAI:

Soqanngilaq.

INATSISITIGUT TUNNGAVIUSOQ:

Kommunit aquneqarnerat pillugu inatsisartut inatsisaat nr. 29, 17 november 2017-meersumi § 8.

INASSUTEQAAT:

Ataatsimiititaliaq INUA-mut kommunalbestyrelsimullu akuerisassanngorlugit inassutigineqarput:

- Ullorsiutit ataatsimiiffissatut siunnersuutit akuerineqassasut

ILANNGUSSAT:

Ilanngussaq 13-01 Ataatsimiittarnissat ulluisa pilersaarutitaat 2021

AALAJANGERNEQ:

Ataatsimiititaliaq INUA ulloq 23. Marts 2021 ataatsimiinnerminni aalajangernerat:

Akuerineqarpoq

AALAJANGERNEQ:

Akuerineqarpoq

Sags nr.	21-014	ilanngussat nr.	14	Journal nr.	
Sammisaq	21-014 Kommune Qeqertalimmi atuakkanik atorniartarfii nutaamik IT programmestik isumaqatigiissusiorpoq				

EQIKKAANEQ:

Aasianni Atuakkanik Atorniartarfimmi aqutsisoq Petrine Filippussen 9.02.2021 allappoq, IT-programme BiblioMatik 1.maj 2021 kiffartuussinermi isumaqatigiissut uninnaartoq. Nutaamillu atuakkanik atorniartarfii IT-programmemik atuilernissaanut Systematic innersuussivoq Cicero Bibliotekssystem Kommune Qeqertalik atuisuunerminik nuussasoq, taannaammammi Nunatta Atuagaateqarfiata aamma atuakkanik atorniartitsinermi atugarisaa.

Cicero Bibliotekssystem ukiumut aningaasatigut Kommune Qeqertalik akiliuteqartarlertussanngussaaq.

SULIAP SAQQUMMIUNNEQARNERA:

Atuakkanik atorniartarfii ingerlaannassappata IT-programmemik peqarnissaq pisaqarpoq. BiblioMatekilu maajip aallaqqaataani kiffartuussinermi unitsissammagu, pisariaqalersimavoq nutaamik atuakkanik atorniartitsinermi IT-programmemik peqarnissaq. Systematic-illu innersuussimavaa IT-programme Cicero Bibliotekssystem Kommune Qeqertalik atuisunngornissaa. Systematic IT-imik suliffeqarfiuvoq internationalimi ineriartortitsisoq. Immikkut arfinilinnik ukkatarisalik ukuusut: Digitalisation, Healthcare, Defence, Intelligence & National Security, Library & Learning og Renewables & Utilities.

Cicero Bibliotekssystem atuakkanik atorniartitsinermi Nunatta Atuagaateqarfiata aamma atugarivaa, kiisalu sineriama atuakkanik atorniartarfii allat atulertussaavaat. Nutaamik isumaqatigiissummik atuutsitsilernermi aningaasatigut kinguneqarnissaa naatsorsuutigineqassaaq.¹

ANINGAASATIGUT KINGUNISSAI:

Cicero Bibliotekssystem atuisuulernermi Kommune Qeqertalik tamaat inuttussusaa aallaavigalugu imannak aningaasartuuteqassaaq:

Pilersitsinermi aningaasartuut	Ukiumut akiliut, licens piginnaatitsissut, ingerlatsineq, supporti aserfatsaaliuinerlu.
KR. 20.000	KR. 39.522

Pilersitsinermut aningaasartuutit akiligassaq ataasiaannartagaavoq, aappaalu ukiumut akiliut, ukiut tamaasa akilerneqartassaaq.

- Atuakkanut nipitittakkanut aningaasartuutit atuakkat amerlassusaat aallaavigalugit atuakkat 5000-inik amerlassusilinnut nipitittagaq ataatsimut akigititaq: kr. 0,95.²

INATSIT TOQQAMMAVIGINEQARTOQ:

Atuagaateqarfiit pillugit Inatsisartut inatsisaat nr. 8, 8. juni 2014-meersoq.

Kapitali 1, Siunertaq nassuiaatillu

§ 1. Atuagaateqarfiit atuakkat, atuagassiat, naalaagassat atorniarneqarsinnaasullu allat akeqanngitsumik inersimasunut meeqqanullu atugassanngortillugit qaammarsaaneq, ilinniartitaaneq kulturikkullu ingerlatsinerit siuarsassavaat, tassunga ilanngullugit elektroniskimik paasissutissiiviit, takujulli kapitali 5, paasisitsiniaasassallutillu.

§ 2. Atuagaateqarfiit innuttaasunut paasisitsiniaanerit inuiaqatigiinnullu paasissutissiinerit allat ingerlateqqittassavaat.

¹ Pisartakkamut isumaqatigiissut

² Nipitittakkanut aningaasartuutit

INASSUTEQAAT:

Allattoqarfiup inassuteqaataa:

- Siunissami atuakkanik atorniartarfiit piunnassappata IT-programmemi atuakkanik atorniartarfiit pisariaqatitaat, kiffartuussinermi isumaqatigiissut pigilernissaa pisariaqartinneqarpoq.

ILANNGUSSAT:

Ilanngussaq 14-01 Abonnementsaftale

Ilanngussaq 14-02 Betingelser for Cicero

Ilanngussaq 14-03 Produktbeskrivelser

AALAJANGERNEQ:

Ataatsimiititaliaq INUA ulloq 23. Marts 2021 ataatsimiinnerminni aalajangererat:

Akuerineqarpoq

AALAJANGERNEQ:

Akuerineqarpoq

ILISIMATITSISSUTIT

Suliap nr.	Ilisimatitsissut	Ilanng. nr.	
Oqaluuserisaq	Nipisanniarneq apriliip aallaqqaataani 2021-mi aallartissaaq		

22.03.2021



Ukioq manna nipisattassiissutigineqartut 1.229,4 tonsiupput.


NAFO-mi sumiiffiliilluni immikkoortunut pisassiissutit aajukua agguaataarneri:

Sumi	2021-mi pisassat tonsinngorlugit
1A	150,2
1Ba	124,6
1Bb	57,3
1C	272,1
1D	329,2
1E	176,7
,71F	117,7
<i>Katillugit</i>	<i>1.229,4</i>

Aqutsiveqarfinni ulluni 60-ini nipisanniartoqartassaaq nungunnissaasaluunniit tungaannut aalisartoqartassalluni. Nipisanniarneq aallartittussanngoraangat Aalisarnermut, Piniarnermut Nunalerinermullu Naalackersuisoqarfik aalisartunik aamma tunisassiortunik oqaloqatiginnereerluni nalunaaruteqartassaaq.

Aalisarnermut, Piniarnermut Nunalerinermullu Naalackersuisoqarfiup NAFO-mi sumiiffiliilluni immikkoortuni tamani aalisarnerup aallartinnera matuneralu immikkoortiterlugit nalunaarutigissavai.

Attavigineqarsinnaavoq Aalisarnermut, Piniarnermut Nunalerinermullu Naalakkersuisoqarfimmi immikkoortortami pisortaagallartoq Katrine Kjærgaard. E-mail: katk@nanoq.gl



ATAATSIMIINNEQ NAAVOQ: 11:00**ATSIORFISSAQ:**

Hansen, Ane



Olsen, Peter

Broberg, Bia A.

Nathanielsen, Karl Thue

Aronsen, Hans


Petersen, Thomas

Kristensen, Niels

Jeremiassen, Kristian

Jeremiassen, Nikkulaat

Inûsugtok, Thæmotheus



Mølgaard, Timooq

Jeremiassen, Otto

Frederiksen, Ole I.

Broberg, Kristian

Kristensen, Naja

